

大般若波羅蜜多經卷第一百七十七來七

唐三藏法師玄奘奉詔譯

初分讚般若品第三十二之六

世尊若新學大乘菩薩摩訶薩不依般若波羅蜜多靜慮波羅蜜多精進波羅蜜多安忍共七波羅蜜多淨戒波羅蜜多布施波羅蜜多起如是想如是般若波羅蜜多於色作大作小於受想行識亦作大作小於色作集作散於受想行識亦作集作散於色作有量作無量於受想行識亦作有量作無量於色作廣作

狹於受想行識亦作廣作狹於色作有力作無力於受想行識亦作有力作無力世尊是菩薩摩訶薩由起此想非行般若波羅蜜多復次世尊若新學大乘菩薩摩訶薩不依般若靜慮精進安忍淨戒布施波羅蜜多起如是想如是般若波羅蜜多於眼處作大作小於耳鼻舌身意處亦作大作小於眼處作集作散於耳鼻舌身意處亦作集作散於眼處作有量作無量於耳鼻舌身意處亦作有量作無量於眼處作廣作狹於耳鼻舌身意處

亦作廣作狹於眼處作有力作無力於耳鼻
 舌身意處亦作有力作無力世尊是菩薩摩
 訶薩由起此想非行般若波羅蜜多復次世
 尊若新學大乘菩薩摩訶薩不依般若靜慮
 精進安忍淨戒布施波羅蜜多起如是想如
 是般若波羅蜜多於色處作大作小於聲香
 味觸法處亦作大作小於色處作集作散於
 聲香味觸法處亦作集作散於色處作有量
 作無量於聲香味觸法處亦作有量作無量
 於色處作廣作狹於聲香味觸法處亦作廣

作狹於色處作有力作無力於聲香味觸法
 處亦作有力作無力世尊是菩薩摩訶薩由
 起此想非行般若波羅蜜多復次世尊若新
 學大乘菩薩摩訶薩不依般若靜慮精進安
 忍淨戒布施波羅蜜多起如是想如是般若
 波羅蜜多於眼界末七作大作小於色界眼界
 及眼觸眼觸為緣所生諸受亦作大作小於
 眼界作集作散於色界乃至眼觸為緣所生
 諸受亦作集作散於眼界作有量作無量於
 色界乃至眼觸為緣所生諸受亦作有量作

無量於眼界作廣作狹於色界乃至眼觸爲緣所生諸受亦作廣作狹於眼界作有力作無力於色界乃至眼觸爲緣所生諸受亦作有力作無力世尊是菩薩摩訶薩由起此想非行般若波羅蜜多復次世尊若新學大乘菩薩摩訶薩不依般若靜慮精進安忍淨戒布施波羅蜜多起如是想如是般若波羅蜜多於耳界作大作小於聲界耳識界及耳觸耳觸爲緣所生諸受亦作大作小於耳界作集作散於聲界乃至耳觸爲緣所生諸受亦

作集作散於耳界作有量作無量於聲界乃至耳觸爲緣所生諸受亦作有量作無量於耳界作廣作狹於聲界乃至耳觸爲緣所生諸受亦作廣作狹於耳界作有力作無力於聲界乃至耳觸爲緣所生諸受亦作有力作無力世尊是菩薩摩訶薩由起此想非行般若波羅蜜多復次世尊若新學大乘菩薩摩訶薩不依般若靜慮精進安忍淨戒布施波羅蜜多起如是想如是般若波羅蜜多於鼻界作大作小於香界鼻識界及鼻觸鼻觸爲

緣所生諸受亦作大作小於鼻界作集作散
於香界乃至鼻觸爲緣所生諸受亦作集作
散於鼻界作有量作無量於香界乃至鼻觸
爲緣所生諸受亦作有量作無量於鼻界作
廣作狹於香界乃至鼻觸爲緣所生諸受亦
作廣作狹於鼻界作有力作無力於香界乃
至鼻觸爲緣所生諸受亦作有力作無力世
尊是菩薩摩訶薩由起此想非行般若波羅
蜜多復次世尊若新學大乘菩薩摩訶薩不
依般若靜慮精進安忍淨戒布施波羅蜜多

起如是想如是般若波羅蜜多於舌界作大
作小於味界舌識界及舌觸舌觸爲緣所生
諸受亦作大作小於舌界作集作散於味界
乃至舌觸爲緣所生諸受亦作集作散於舌
界作有量作無量於味界乃至舌觸爲緣所
生諸受亦作有量作無量於舌界作廣作狹
於味界乃至舌觸爲緣所生諸受亦作廣作
狹於舌界作有力作無力於味界乃至舌觸
爲緣所生諸受亦作有力作無力世尊是菩
薩摩訶薩由起此想非行般若波羅蜜多復

次世尊若新學大乘菩薩摩訶薩不依般若
靜慮精進安忍淨戒布施波羅蜜多起如是
想如是般若波羅蜜多於身界作大作小於
觸界身識界及身觸身觸為緣所生諸受亦
作大作小於身界作集作散於觸界乃至身
觸為緣所生諸受亦作集作散於身界作有
量作無量於觸界乃至身觸為緣所生諸受
亦作有量作無量於身界作廣作狹於觸界
乃至身觸為緣所生諸受亦作廣作狹於身
界作有力作無力於觸界乃至身觸為緣所

生諸受亦作有力作無力世尊是菩薩摩訶
薩由起此想非行般若波羅蜜多復次世尊
若新學大乘菩薩摩訶薩不依般若靜慮精
進安忍淨戒布施波羅蜜多起如是想如是
般若波羅蜜多於意界作大作小於法界意
識界及意觸意觸為緣所生諸受亦作大作
小於意界作集作散於法界乃至意觸為緣
所生諸受亦作集作散於意界作有量作無
量於法界乃至意觸為緣所生諸受亦作有
量作無量於意界作廣作狹於法界乃至意

觸爲緣所生諸受亦作廣作狹於意界作有
力作無力於法界乃至意觸爲緣所生諸受
亦作有力作無力世尊是菩薩摩訶薩由起
此想非行般若波羅蜜多復次世尊若新學
大乘菩薩摩訶薩不依般若靜慮精進安忍
淨戒布施波羅蜜多起亦七如是想如是般若波
羅蜜多於地界作大作小於水火風空識界
亦作大作小於地界作集作散於水火風空
識界亦作集作散於地界作有量作無量於
水火風空識界亦作有量作無量於地界作

廣作狹於水火風空識界亦作廣作狹於地
界作有力作無力於水火風空識界亦作有
力作無力世尊是菩薩摩訶薩由起此想非
行般若波羅蜜多復次世尊若新學大乘菩
薩摩訶薩不依般若靜慮精進安忍淨戒布
施波羅蜜多起如是想如是般若波羅蜜多
於無明作大作小於行識名色六處觸受愛
取有生老死愁歎苦憂惱亦作大作小於無
明作集作散於行乃至老死愁歎苦憂惱亦
作集作散於無明作有量作無量於行乃至

老死愁歎苦憂惱亦作有量作無量於無明
 作廣作狹於行乃至老死愁歎苦憂惱亦作
 廣作狹於無明作有方作無力於行乃至老
 死愁歎苦憂惱亦作有力作無力世尊是善
 薩摩訶薩由起此想非行般若波羅蜜多復
 次世尊若新學大乘菩薩摩訶薩不依般若
 靜慮精進安忍淨戒布施波羅蜜多起如是
 想如是般若波羅蜜多於布施波羅蜜多作
 大作小於淨戒安忍精進靜慮般若波羅蜜
 多亦作大作小於布施波羅蜜多作集作散

於淨戒乃至般若波羅蜜多亦作集作散於
 布施波羅蜜多作有量作無量於淨戒乃至
 般若波羅蜜多亦作有量作無量於布施波
 羅蜜多作廣作狹於淨戒乃至般若波羅蜜
 多亦作廣作狹於布施波羅蜜多作有力作
 無力於淨戒乃至般若波羅蜜多亦作有力
 作無力世尊是菩薩摩訶薩由起此想非行
 般若波羅蜜多復次世尊若新學大乘菩薩
 摩訶薩不依般若靜慮精進安忍淨戒布施
 波羅蜜多起如是想如是般若波羅蜜多於

內空作大作小於外空內外空空大空勝
義空有爲空無爲空畢竟空無際空散空無
變異空本性空自相空共相空一切法空不
可得空無性空自性空無性自性空亦作大
作小於內空作集作散於外空乃至無性自
性空亦作集作散於內空作有量作無量於
外空乃至無性自性空亦作有量作無量於
內空作廣作狹於外空乃至無性自性空亦
作廣作狹於內空作有力作無力於外空乃
至無性自性空亦作有力作無力世尊是誓

薩摩訶薩由起此想非行般若波羅蜜多復
次世尊若新學大乘菩薩摩訶薩不依般若
靜慮精進安忍淨戒布施波羅蜜多起如是
想如是般若波羅蜜多於真如作大作小於
法界法性不虛妄性不變異性平等性離生
性法定法住實際虛空界不思議界亦作大
作小於真如作集作散於法界乃至不思議
界亦作集作散於真如作有量作無量於法
界乃至不思議界亦作有量作無量於真如
作廣作狹於法界乃至不思議界亦作廣作

狹於真如作有力作無力於法界乃至不思議界亦作有力作無力世尊是菩薩摩訶薩由起此想非行般若波羅蜜多復次世尊若新學大乘菩薩摩訶薩不依般若靜慮精進安忍淨戒布施波羅蜜多起如是想如是般若波羅蜜多於苦聖諦作大作小於集滅道聖諦亦作大作小於苦聖諦作集作散於集滅道聖諦亦作集作散於苦聖諦作有量作無量於集滅道聖諦亦作有量作無量於苦聖諦作廣作狹於集滅道聖諦亦作廣作狹

於苦聖諦作有力作無力於集滅道聖諦亦作有力作無力世尊是菩薩摩訶薩由起此想非行般若波羅蜜多復次世尊若新學大乘菩薩摩訶薩不依般若靜慮精進安忍淨戒布施波羅蜜多起如是想如是般若波羅蜜多於四靜慮作大作小於四無量四無色定亦作大作小於四靜慮作集作散於四無量四無色定亦作集作散於四靜慮作有量作無量於四無量四無色定亦作有量作無量於四靜慮作廣作狹於四無量四無色定

亦作廣作狹於四靜慮作有力作無力於四
無量四無色定亦作有力作無力世尊是菩
薩摩訶薩由起此想非行般若波羅蜜多復
次世尊若新學大乘菩薩摩訶薩不依般若
靜慮精進安忍淨戒布施波羅蜜多起如是
想如是般若波羅蜜多末七於八解脫作大作小
於八勝處九次第定十徧處亦作大作小於
八解脫作集作散於八勝處九次第定十徧
處亦作集作散於八解脫作有量作無量於
八勝處九次第定十徧處亦作有量作無量

於八解脫作廣作狹於八勝處九次第定十
徧處亦作廣作狹於八解脫作有力作無力
於八勝處九次第定十徧處亦作有力作無
力世尊是菩薩摩訶薩由起此想非行般若
波羅蜜多復次世尊若新學大乘菩薩摩訶
薩不依般若靜慮精進安忍淨戒布施波羅
蜜多起如是想如是般若波羅蜜多於四念
住作大作小於四正斷四神足五根五力七
等覺支八聖道支亦作大作小於四念住作
集作散於四正斷乃至八聖道支亦作集作

散於四念住作有量作無量於四正斷乃至
八聖道支亦作有量作無量於四念住作廣
作狹於四正斷乃至八聖道支亦作廣作狹
於四念住作有力作無力於四正斷乃至八
聖道支亦作有力作無力世尊是菩薩摩訶
薩由起此想來七非行般若波羅蜜多復次世尊
若新學大乘菩薩摩訶薩不依般若靜慮精
進安忍淨戒布施波羅蜜多起如是想如是
般若波羅蜜多於空解脫門作大作小於無
相無願解脫門亦作大作小於空解脫門作

集作散於無相無願解脫門亦作集作散於
空解脫門作有量作無量於無相無願解脫
門亦作有量作無量於空解脫門作廣作狹
於無相無願解脫門亦作廣作狹於空解脫
門作有力作無力於無相無願解脫門亦作
有力作無力世尊是菩薩摩訶薩由起此想
非行般若波羅蜜多復次世尊若新學大乘
菩薩摩訶薩不依般若靜慮精進安忍淨戒
布施波羅蜜多起如是想如是般若波羅蜜
多於五眼作大作小於六神通亦作大作小

於五眼作集作散於六神通亦作集作散於
 五眼作有量作無量於六神通亦作有量作
 無量於五眼作廣作狹於六神通亦作廣作
 狹於五眼作有力作無力於六神通亦作有
 力作無力世尊是菩薩摩訶薩由起此想非
 行般若波羅蜜多復次世尊若新學大乘善
 薩摩訶薩不依般若靜慮精進安忍淨戒布
 施波羅蜜多起如是想如是般若波羅蜜多
 於佛十力作大作小於四無所畏四無礙解
 大慈大悲大喜大捨十八佛不共法亦作大

作小於佛十力作集作散於四無所畏乃至
 十八佛不共法亦作集作散於佛十力作有
 量作無量於四無所畏乃至十八佛不共法
 亦作有量作無量於佛十力作廣作狹於四
 無所畏乃至十八佛不共法亦作廣作狹於
 佛十力作有力作無力於四無所畏乃至十
 八佛不共法亦作有力作無力世尊是菩薩
 摩訶薩由起此想非行般若波羅蜜多復次
 世尊若新學大乘菩薩摩訶薩不依般若靜
 慮精進安忍淨戒布施波羅蜜多起如是想

如是般若波羅蜜多於無忘失法作大作小
於恒住捨性亦作大作小於無忘失法作集
作散於恒住捨性亦作集作散於無忘失法
作有量作無量於恒住捨性亦作有量作無
量於無忘失法作廣作狹於恒住捨性亦作
廣作狹於無忘失法作有力作無力於恒住
捨性亦作有力作無力世尊是菩薩摩訶薩
由起此想非行般若波羅蜜多復次世尊若
新學大乘菩薩摩訶薩不依般若靜慮精進
安忍淨戒布施波羅蜜多起如是想如是般

若波羅蜜多於一切智作大作小於道相智
一切相智亦作大作小於一切智作集作散
於道相智一切相智亦作集作散於一切智
作有量作無量於道相智一切相智亦作有
量作無量於一切智作廣作狹於道相智一
切相智亦作廣作狹於一切智作有力作無
力於道相智一切相智亦作有力作無力世
尊是菩薩摩訶薩由起此想非行般若波羅
蜜多復次世尊若新學大乘菩薩摩訶薩不
依般若靜慮精進安忍淨戒布施波羅蜜多

起如是想如是般若波羅蜜多於一切陀羅尼門作大作小於一切三摩地門亦作大作小於一切陀羅尼門作集作散於一切三摩地門亦作集作散於一切陀羅尼門作有量作無量於一切三摩地門亦作有量作無量於一切陀羅尼門作廣作狹於一切三摩地門亦作廣作狹於一切陀羅尼門作有力作無力於一切三摩地門亦作有力作無力世尊是菩薩摩訶薩由起此想非行般若波羅蜜多復次世尊若新學大乘菩薩摩訶薩不

依般若靜慮精進安忍淨戒布施波羅蜜多起如是想如是般若波羅蜜多於預流作大作小於一來不還阿羅漢亦作大作小於預流作集作散於一來不還阿羅漢亦作集作散於預流作有量作無量於一來不還阿羅漢亦作有量作無量於預流作廣作狹於一來不還阿羅漢亦作廣作狹於預流作有力作無力於一來不還阿羅漢亦作有力作無力世尊是菩薩摩訶薩由起此想非行般若波羅蜜多復次世尊若新學大乘菩薩摩訶

薩不依般若靜慮精進安忍淨戒布施波羅
蜜多起如是想如是般若波羅蜜多於預流
向預流果作大作小於一來向一來果不還
向不還果阿羅漢向阿羅漢果亦作大作小
於預流向預流果作集作散於一來向乃至
阿羅漢果亦作集作散於預流向預流果作
有量作無量於一來向乃至阿羅漢果亦作
有量作無量於預流向預流果作廣作狹於
一來向乃至阿羅漢果亦作廣作狹於預流
向預流果作有力作無力於一來向乃至阿

末七

十二

羅漢果亦作有力作無力世尊是菩薩摩訶
薩由起此想非行般若波羅蜜多復次世尊
若新學大乘菩薩摩訶薩不依般若靜慮精
進安忍淨戒布施波羅蜜多起如是想如是
般若波羅蜜多於獨覺作大作小於獨覺善
提亦作大作小於獨覺作集作散於獨覺善
提亦作集作散於獨覺作有量作無量於獨
覺善提亦作有量作無量於獨覺作廣作狹
於獨覺善提亦作廣作狹於獨覺作有力作
無力於獨覺善提亦作有力作無力世尊是

菩薩摩訶薩由起此想非行般若波羅蜜多
 復次世尊若新學大乘菩薩摩訶薩不依般
 若靜慮精進安忍淨戒布施波羅蜜多起如
 是想如是般若波羅蜜多於菩薩摩訶薩作
 大作小於菩薩摩訶薩行亦作大作小於菩
 薩摩訶薩作集本七作散於菩薩摩訶薩行亦作
 集作散於菩薩摩訶薩作有量作無量於菩
 薩摩訶薩行亦作有量作無量於菩薩摩訶
 薩作廣作狹於菩薩摩訶薩行亦作廣作狹
 於菩薩摩訶薩作有力作無力於菩薩摩訶

薩行亦作有力作無力世尊是菩薩摩訶薩
 由起此想非行般若波羅蜜多復次世尊若
 新學大乘菩薩摩訶薩不依般若靜慮精進
 安忍淨戒布施波羅蜜多起如是想如是般
 若波羅蜜多於諸如來應正等覺作大作小
 於佛無上正等菩提亦作大作小於諸如來
 應正等覺作集作散於佛無上正等菩提亦
 作集作散於諸如來應正等覺作有量作無
 量於佛無上正等菩提亦作有量作無量於
 諸如來應正等覺作廣作狹於佛無上正等

菩提亦作廣作狹於諸如來應正等覺作有力作無力於佛無上正等菩提亦作有力作無力世尊是菩薩摩訶薩由起此想非行般若波羅蜜多復次世尊若新學大乘菩薩摩訶薩不依般若靜慮精進安忍淨戒布施波羅蜜多起如是想如是般若波羅蜜多於一切法作大作小作集作散作有量作無量作廣作狹作有力作無力世尊是菩薩摩訶薩由起此想非行般若波羅蜜多何以故世尊若菩薩摩訶薩起如是想如是般若波羅蜜

多於色若作大小不作大小於受想行識若作大小不作大小於色若作集散不作集散於受想行識若作集散不作集散於色若作有量無量不作有量無量於受想行識若作有量無量不作有量無量於色若作廣狹不作廣狹於受想行識若作廣狹不作廣狹於色若作有力無力不作有力無力於受想行識若作有力無力不作有力無力世尊如是一切皆非般若波羅蜜多等流果故復次世尊若菩薩摩訶薩起如是想如是般若波羅

蜜多於眼處若作大小不作大小於耳鼻舌
 身意處若作大小不作大小於眼處若作集
 散不作集散於耳鼻舌身意處若作集散不
 作集散於眼處若作有量無量不作有量無
 量於耳鼻舌身意處若作有量無量不作有
 量無量於眼處若作廣狹不作廣狹於耳鼻
 舌身意處若作廣狹不作廣狹於眼處若作
 有力無力不作有力無力於耳鼻舌身意處
 若作有力無力不作有力無力世尊如是一
 切皆非般若波羅蜜多等流果故復次世尊

若菩薩摩訶薩起如是想如是般若波羅蜜
 多於色處若作大小不作大小於聲香味觸
 法處若作大小不作大小於色處若作集散
 不作集散於聲香味觸法處若作集散不作
 集散於色處若作有量無量不作有量無量
 於聲香味觸法處若作有量無量不作有量
來七
 無量於色處若作廣狹不作廣狹於聲香味
 觸法處若作廣狹不作廣狹於色處若作有
 力無力不作有力無力於聲香味觸法處若
 作有力無力不作有力無力世尊如是一切

皆非般若波羅蜜多等流果故復次世尊若
菩薩摩訶薩起如是想如是般若波羅蜜多
於眼界若作大小不作大小於色界眼識界
及眼觸眼觸爲緣所生諸受若作大小不作
大小於眼界若作集散不作集散於色界乃
至眼觸爲緣所生諸受若作集散不作集散
於眼界若作有量無量不作有量無量於色
界乃至眼觸爲緣所生諸受若作有量無量
不作有量無量於眼界若作廣狹不作廣狹
於色界乃至眼觸爲緣所生諸受若作廣狹

不作廣狹於眼界若作有力無力不作有力
無力於色界乃至眼觸爲緣所生諸受若作
有力無力不作有力無力世尊如是一切皆
非般若波羅蜜多等流果故復次世尊若菩
薩摩訶薩起如是想如是般若波羅蜜多於
耳界若作大小不作大小於聲界耳識界及
耳觸耳觸爲緣所生諸受若作大小不作大
小於耳界若作集散不作集散於聲界乃至
耳觸爲緣所生諸受若作集散不作集散於
耳界若作有量無量不作有量無量於聲界

乃至耳觸為緣所生諸受若作有量無量不
 作有量無量於耳界若作廣狹不作廣狹於
 聲界乃至耳觸為緣所生諸受若作廣狹不
 作廣狹於耳界若作有力無力不作有力無
 力於聲界乃至耳觸為緣所生諸受若作有
 力無力不作有力無力世尊如是一切皆非
 般若波羅蜜多等流果故復次世尊若菩薩
 摩訶薩起如是想如是般若波羅蜜多於鼻
 界若作大小不作大小於香界鼻識界及鼻
 觸鼻觸為緣所生諸受若作大小不作大小

來七

十六

於鼻界若作集散不作集散於香界乃至鼻
 觸為緣所生諸受若作集散不作集散於鼻
 界若作有量無量不作有量無量於香界乃
 至鼻觸為緣所生諸受若作有量無量不作
 有量無量於鼻界若作廣狹不作廣狹於香
 界乃至鼻觸為緣所生諸受若作廣狹不作
 廣狹於鼻界若作有力無力不作有力無力
 於香界乃至鼻觸為緣所生諸受若作有力
 無力不作有力無力世尊如是一切皆非般
 若波羅蜜多等流果故復次世尊若菩薩摩

訶薩起如是想如是般若波羅蜜多於舌界
若作大小不作大小於味界舌識界及舌觸
舌觸為緣所生諸受若作大小不作大小於
舌界若作集散不作集散於味界乃至舌觸
為緣所生諸受若作集散不作集散於舌界
若作有量無量不作有量無量於味界乃至
舌觸為緣所生諸受若作有量無量不作有
量無量於舌界若作廣狹不作廣狹於味界
乃至舌觸為緣所生諸受若作廣狹不作廣
狹於舌界若作有力無力不作有力無力於

來七

十七

味界乃至舌觸為緣所生諸受若作有力無
力不作有力無力世尊如是一切皆非般若
波羅蜜多等流果故復次世尊若菩薩摩訶
薩起如是想如是般若波羅蜜多於身界若
作大小不作大小於觸界身識界及身觸身
觸為緣所生諸受若作大小不作大小於身
界若作集散不作集散於觸界乃至身觸為
緣所生諸受若作集散不作集散於身界若
作有量無量不作有量無量於觸界乃至身
觸為緣所生諸受若作有量無量不作有量

無量於身界若作廣狹不作廣狹於觸界乃至身觸為緣所生諸受若作廣狹不作廣狹於身界若作有力無力不作有力無力於觸界乃至身觸為緣所生諸受若作有力無力不作有力無力世尊如是一切皆非般若波羅蜜多等流果故復次世尊若菩薩摩訶薩起如是想如是般若波羅蜜多於境界若作大小不作大小於法界意識界及意觸意觸為緣所生諸受若作大小不作大小於境界若作集散不作集散於法界乃至意觸為緣

所生諸受若作集散不作集散於境界若作有量無量不作有量無量於法界乃至意觸為緣所生諸受若作有量無量不作有量無量於境界若作廣狹不作廣狹於法界乃至意觸為緣所生諸受若作廣狹不作廣狹於境界若作有力無力不作有力無力於法界乃至意觸為緣所生諸受若作有力無力不作有力無力世尊如是一切皆非般若波羅蜜多等流果故復次世尊若菩薩摩訶薩起如是想如是般若波羅蜜多於境界若作大

未七

十八

小不作大小於水火風空識界若作大小不
作大小於地界若作集散不作集散於水火
風空識界若作集散不作集散於地界若作
有量無量不作有量無量於水火風空識界
若作有量無量不作有量無量於地界若作
廣狹不作廣狹於水火風空識界若作廣狹
不作廣狹於地界若作有力無力不作有力
無力於水火風空識界若作有力無力不作
有力無力世尊如是一切皆非般若波羅蜜
多等流果故復次世尊若菩薩摩訶薩起如

是想如是般若波羅蜜多於無明若作大小
不作大小於行識名色六處觸受愛取有生
老死愁歎苦憂惱若作大小不作大小於無
明若作集散不作集散於行乃至老死愁歎
苦憂惱若作集散不作集散於無明若作有
量無量不作有量無量於行乃至老死愁歎
苦憂惱若作有量無量不作有量無量於無
明若作廣狹不作廣狹於行乃至老死愁歎
苦憂惱若作廣狹不作廣狹於無明若作有
力無力不作有力無力於行乃至老死愁歎

若憂惱若作有力無力不作有力無力世尊
如是一切皆非般若波羅蜜多等流果故復
次世尊若菩薩摩訶薩起如是想如是般若
波羅蜜多於布施波羅蜜多若作大小不作
大小於淨戒安忍精進靜慮般若波羅蜜多
若作大小不作大小於布施波羅蜜多若作
集散不作集散於淨戒乃至般若波羅蜜多
若作集散不作集散於布施波羅蜜多若作
有量無量不作有量無量於淨戒乃至般若
波羅蜜多若作有量無量不作有量無量於

布施波羅蜜多若作廣狹不作廣狹於淨戒
乃至般若波羅蜜多若作廣狹不作廣狹於
布施波羅蜜多若作有力無力不作有力無
力於淨戒乃至般若波羅蜜多若作有力無
力不作有力無力世尊如是一切皆非般若
波羅蜜多等流果故復次世尊若菩薩摩訶
薩起如是想如是般若波羅蜜多於內空若
作大小不作大小於外空內外空空空大空
勝義空有爲空無爲空畢竟空無際空散空
無變異空本性空自相空共相空一切法空

不可得空無性空自性空無性自性空若作
 大小不作大小於內空若作集散不作集散
 於外空乃至無性自性空若作集散不作集
 散於內空若作有量無量不作有量無量於
 外空乃至無性自性空若作有量無量不作
宋七
 有量無量於內空若作廣狹不作廣狹於外
二十
 空乃至無性自性空若作廣狹不作廣狹於
 內空若作有力無力不作有力無力於外空
 乃至無性自性空若作有力無力不作有力
 無力世尊如是一切皆非般若波羅蜜多等

流果故

大般若波羅蜜多經卷第一百七十七

永樂北藏

大般若波羅蜜多經

第五冊